

憲示第一百三十號

輔政使司史

曉諭事現奉

督憲札開定於本月二十二日二十五日即華歷二月二十一日二十四日第一日于下午三點鐘起至六點鐘止至于二十五日上午十點鐘起至一點鐘止各營官在於昂船洲炮臺操演炮位其炮在昂船洲向西南邊開放爾各船戶人等切勿駛近炮碼所經之處以免不虞勿忽等因奉此合亟示諭切切毋違特示

英一千八百八十九年

三月

二十一日示

為

憲示第一百三十四號

輔政使司史

曉諭事現奉

督憲札開飭將船政司示諭開列於下等因奉此合亟示諭俾眾週知毋違特示

一千八百八十九年

三月

二十三日示

為

香港船政司林

諭飭提防事照得鯉魚門海面將有小水泡兩箇置放其中約浮一月之久其地位係近鯉魚門西邊之尾前離其南邊有二百英碼之遙該水泡繩係用一小鐵線貫串浮水倘有船隻車輪經過鈎着易於拖去為此特諭爾各船戶人等知悉切勿駛近該處左右以免不虞慎勿忽畧切切特諭

英一千八百八十九年

三月

十六日示

憲示第一百三十五號

輔政使司史

諭知事茲奉

督憲札開將船政司之示諭開示於下俾眾週知等因奉此合亟出示曉諭為此特示

一千八百八十九年

三月

十九日示

為

船政司林

曉諭事照得青洲燈亮業已更改自英本年五月初一日以後所有青洲所設之燈亮俱按下開之法照光以便舟船來往瞭望其白色燈光係照羅盤南邊向東之一度半影出將東邊至西北邊之一帶透射光氣其紅色燈光係在羅盤南邊向東之一度半並南邊西南便向西之二度四份一相間之處照耀以上各度數均係依準羅盤方位由海面觀看測度而計其餘方位因為該洲遮蔽燈光不能影射至該燈之玻璃形如梳齒以聚光氣其燈位離海面九十五英尺仿照至善之法安放定實不移為此示諭船戶人等知悉各宜週知特示

英一千八百八十九年

三月

十九日示